



Concello de Vigo

D^a. YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 15 de novembro de 2019**, adoptou o seguinte acordo:

18.- PROPOSTA DE RESOLUCIÓN DA CONVOCATORIA DE “AXUDAS MUNICIPAIS DE LIBROS, MATERIAL ESCOLAR E COMEDOR PARA ALUMNOS/AS DE CENTROS DOCENTES PÚBLICOS E PRIVADOS-CONCERTADOS DE EDUCACIÓN INFANTIL (2ª ETAPA), EDUCACIÓN PRIMARIA E SECUNDARIA DO CONCELLO DE VIGO-CURSO 2019-2020. EXPTE. 185696/301.

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día, de conformidade coa xustificación que consta no expediente aportada polo servizo correspondente.

Visto o informe de fiscalización de data 14/11/19, dáse conta do informe-proposta de data 14/11/19, asinado pola xefa do Servizo de Benestar Social, o xefe de Área, a secretaria de Admón. Municipal, a concelleira de Política Social e o concelleiro de Orzamentos e Facenda, que di o seguinte:

I. ANTECEDENTES

I.1. Tramitouse polo Servizo de Benestar Social o expediente de bases e convocatoria para a concesión, en réxime de concorrencia (avaliación individualizada), das axudas municipais de libros, material escolar e comedor para alumnas/os de centros docentes públicos e privados concertados de educación infantil (2ª etapa), educación primaria e secundaria do Concello de Vigo (Curso 2019-2020). Foron aprobadas na sesión ordinaria da Xunta de Goberno Local do 30.05.2019 (BOP nº 107, do 06.06.2019).

I.2. Na parte dispositiva dese acordo recóllese:

A) A aprobación das Bases e a convocatoria desas axudas municipais.

B) O compromiso de gasto por importe de 110.000€ para axudas de libros ós/ás alumnos/as do nivel de educación infantil (2ª etapa) con cargo á aplicación orzamentaria nº 2310.481.00.00, que serán aboadas mediante libramento a xustificar que se ingresará na conta habilitada do Servizo de Benestar social (IBAN ES 90 2080-5000-67-3110242616).

C) O compromiso de gasto de 1.095.000€ con cargo á aplicación orzamentaria nº 2310.481.00.00 para axudas municipais escolares de comedor (Curso 2019-2020). Desta cantidade, 375.780,80 € imputaránse ao exercicio de 2019 e o resto, 719.219,20 €, ao de 2020 (supeditada á



Copia do documento - Concello de Vigo	Data impresión: 25/04/2024 00:14	Páxina 1 de 5
SUBVENCIONS	CSV: AAAH43-5HC5D1-BCAED4-H64SK3-6DWX6R-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

dispoñibilidade orzamentaria nese exercicio). As dúas cantidades serán pagadas tamén mediante libramento a xustificar que se ingresará naquela conta habilitada.

I.3.Conforme co disposto nas bases, realizouse a valoración individualizada de todas as solicitudes presentadas e a “Comisión de Valoración” designada para o efecto (base 11ª) redactou o correspondente informe no que se concreta o resultado da avaliación (Acta do 31.10.2019). Desa valoración resulta a seguinte proposta:

A) CONCEDER as/os 1.294 alumnas/os solicitantes das axudas de libros e material escolar reúnen os requisitos necesarios para obter a condición de beneficiarias/os da subvención segundo o establecido na Lei 9/2007, de subvencións de Galicia (LSG) e cumpren os requisitos estipulados na base 6ª da convocatoria, existindo orzamento para a súa concesión. O custo total da subvención de libros ascende a 109.990,00 € (= 1.294 x 85€). Existe crédito para facer fronte a este gasto con cargo á aplicación orzamentaria nº 2310.481.00.00 - RC 201900037258, aboándose mediante libramento a xustificar, que se ingresará na precitada conta habilitada do Servizo de Benestar Social.

Relaciónanse as persoas beneficiarias no Anexo I concedida, que comeza co expediente núm. 3605713004420 e remata co núm. 3605716003912.

B) INCORPORAR a lista de agarda por non existir dotación orzamentaria para a súa concesión, as/os 51 alumnas/os solicitantes das axudas de libros e material escolar reúnen os requisitos necesarios para obter a condición de beneficiarias/os da subvención segundo o establecido na Lei 9/2007, de subvencións de Galicia (LSG) e cumpren os requisitos estipulados na base 6ª da convocatoria

Relaciónanse as persoas beneficiarias no Anexo I lista de agarda, que comeza co expediente núm. 3605723003989 e remata co núm. 3605716004158.

C) DENEGAR as solicitudes de axudas de libros e material escolar ás/ós 558 alumnas/os por incumprimento dalgún dos requisitos estipulados na base 6ª da convocatoria.

Relaciónanse no Anexo I, que comeza co expediente núm. 3605702003489 e remata co núm. 3605715004890, sinalando en cada caso o motivo da súa denegación.

D) CONCEDER as/os 3.152 alumnas/os reúnen os requisitos necesarios para obter a condición de beneficiarias/os das axudas municipais de comedor, de acordo coa LSG e a base 6ª da convocatoria, existindo orzamento para a súa concesión.

As/os beneficiarias/os destas axudas aparecen relacionadas no Anexo II concedida, que comeza co expediente nº 3605714004299 e remata co nº 3605721004083.

Indicar que o primeiro pagamento (setembro-décembro) das axudas municipais de comedor, ata unha porcentaxe máxima do 40% do importe, correspondente á resolución de cada centro educativo aprobada pola XGL, pagarase de xeito anticipado antes da finalización do cuadrimestre.

O custo do total do comedor para o Curso 2019-2020 das/os 3.152 alumnas/os que cumpren os requisitos e resultan concedidas ascende a 1.214.780,80€. Polo tanto, o primeiro pagamento (setembro-décembro 2019) equivalente ó 40% do total a adxudicar ascende a 485.912,32€.

O gasto do exercicio de 2019 aboarase con cargo a aplicación orzamentaria e a súa bolsa de vinculación 2310.481000 (72.827,58€), RC 201900037259 (375.780,80€) e RC 20190006044 (37.304,42€).



Copia do documento - Concello de Vigo	Data impresión: 25/04/2024 00:14	Páxina 2 de 5
SUBVENCIONS	CSV: AAAH43-5HC5D1-BCAED4-H64SK3-6DWX6R-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

Existe crédito para facer fronte ó gasto de 728.868,80€ para axudas de comedor 2020 (xaneiro-xuño) con cargo á aplicación orzamentaria nº 2310.481.00.00, existindo contraído un RCFUT 201900037260 (719.219,20€) que se propón ampliar en 9.649,60€.

E) INCORPORAR a lista de agarda por non existir dotación orzamentaria para a súa concesión as/os 38 alumnas/os reúnen os requisitos necesarios para obter a condición de beneficiarias/os das axudas municipais de comedor, de acordo coa LSG e a base 6ª da convocatoria, pero pasan a lista de agarda por non existir dotación orzamentaria para a súa concesión.

Relaciónanse as persoas beneficiarias no Anexo II lista de agarda, que comeza co expediente núm. 3605702003680 e remata co núm. 3605704003301.

F) DENEGAR as axudas municipais de comedor ás/ós 912 alumnas/os que figuran no Anexo II, que comeza co expediente núm. 3605716003696 e remata co nº 3605715004890 por non cumprir algún dos requisitos establecidos nas bases, indicándose en cada caso o motivo concreto da súa denegación.

I.4. Da información que obra en poder deste Servizo despréndese que todas/os beneficiarias/os destas axudas cumpren todos os requisitos necesarios para acceder ás subvencións, segundo a base 6ª da convocatoria.

II. PROPOSTA DE ACORDO

Polo exposto anteriormente, propónse á Xunta de Goberno Local a adopción do seguinte,

«ACORDO

PRIMEIRO: Axudas municipais de libros e material escolar, curso 2019-2020:

1.1. CONCEDER as axudas de libros e material escolar ás/ós 1.294 alumnas/os que reúnen os requisitos necesarios (LSG e base 6ª) para obter a condición de beneficiarias/os da subvención, existindo crédito orzamentario para a súa concesión.

O gasto de 109.990,00 € (= 1.294 x 85€)realizarase con cargo á aplicación orzamentaria nº 2310.481.00.00 - RC 201900037258 e pagarase mediante libramento a xustificar que se ingresará na conta habilitada do Servizo de Benestar Social (ES 90 2080 5000 67 3110242616).

Relaciónanse as persoas beneficiarias no Anexo I concedida, que comeza co expediente núm. 3605713004420 e remata co núm. 3605716003912.

1.2.CONCEDER a incorporación a lista de agarda aos 51 alumnas/os que reúnen os requisitos necesarios (LSG e base 6ª) para obter a condición de beneficiarias/os da subvención, e que serán concedidas a medida que exista crédito orzamentario.

Relaciónanse as persoas beneficiarias no Anexo I lista de agarda, que comeza co expediente núm. 3605723003989 e remata co núm. 3605716004158.



Copia do documento - Concello de Vigo	Data impresión: 25/04/2024 00:14	Páxina 3 de 5
SUBVENCIONS	CSV: AAAH43-5HC5D1-BCAED4-H64SK3-6DWX6R-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

1.3. DENEGAR as solicitudes de axudas de libros e material escolar ás/ós 558 alumnas/os por incumprimento dalgún dos requisitos estipulados na base 6ª da convocatoria.

Relaciónanse no Anexo I, que comeza co expediente núm. 3605702003489 e remata co núm. 3605715004890, sinalando en cada caso o motivo da súa denegación.

SEGUNDO: Axudas municipais escolares de comedor, curso 2019-2020:

2.1. CONCEDER axudas municipais de comedor a 3.152 alumnas/os que reúnen os requisitos (LSG e base 6ª), que se pagarán con cargo á aplicación orzamentaria e a súa bolsa de vinculación 2310.481000 (72.827,58€), RC 201900037259 (375.780,80€) e RC 20190006044 (37.304,42€).

Para facer fronte ó gasto representado polas axudas de comedor 2020 (xaneiro-xuño) existe crédito de 728.868,80€ con cargo á aplicación orzamentaria nº 2310.481.00.00, existindo contraído un RCFUT 201900037260 (719.219,20€) que se propón ampliar en 9.649,60€.

As/os beneficiarias/os destas axudas aparecen relacionadas no Anexo II concedida, que comeza co expediente nº 3605714004299 e remata co nº 3605721004083.

2.2. CONCEDER a incorporación a lista de espera aos 38 alumnas/os que reúnen os requisitos necesarios (LSG e base 6ª) para obter a condición de beneficiarias/os da subvención, e que serán concedidas a medida que exista crédito orzamentario.

Relaciónanse as persoas beneficiarias no Anexo II lista de agarda, que comeza co expediente núm. 3605702003680 e remata co núm. 3605704003301.

2.3. DENEGAR as axudas municipais de comedor ás/ós 912 alumnas/os que figuran no Anexo II denegada, que comeza co expediente núm. 3605716003696 e remata co nº 3605715004890 por non cumprir algún dos requisitos establecidos nas bases, indicándose en cada caso o motivo concreto da súa denegación.

TERCEIRO: Publicar a resolución desta convocatoria de axudas (Anexo III) no taboleiro oficial de anuncios da Casa do Concello, nos Centros de Servizos Sociais Municipais, na web municipal e no “Portal da Transparencia e bo goberno” do Concello de Vigo (<http://transparencia.vigo.org>, con remisión da información necesaria á BDNS).

CUARTO: Notificar o acordo a todas as persoas interesadas, con indicación de que pon fin á vía administrativa e de que contra el poderán interpoñer recurso potestativo de reposición perante o mesmo órgano que a ditou no prazo dun mes ou ben, directamente, recurso contencioso-administrativo perante os xulgados do contencioso-administrativo de Vigo no prazo de dous meses, ámbolos dous prazos contados a partir do día seguinte á recepción da súa notificación. De se presentar o recurso de reposición, non poderá interpoñerse recurso contencioso-administrativo ata que sexa resolto expresamente o primeiro ou ben se produza a súa desestimación presunta polo transcurso do prazo máximo dun mes establecido para ditar e notificar a resolución (Arts. 123 - 124 da Lei 39/2015 e 8, 25, 46 e ccdtes. da Lei 29/98)».

Acordo

A Xunta de Goberno local aproba a proposta contida no precedente informe.



Copia do documento - Concello de Vigo	Data impresión: 25/04/2024 00:14	Páxina 4 de 5
SUBVENCIONS	CSV: AAAH43-5HC5D1-BCAED4-H64SK3-6DWX6R-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/me.

V. e Pr.

O ALCALDE,
Abel Caballero Álvarez.



Copia do documento - Concello de Vigo	Data impresión: 25/04/2024 00:14	Páxina 5 de 5
SUBVENCIONS	CSV: AAAH43-5HC5D1-BCAED4-H64SK3-6DWX6R-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		